

## Registracija privrednih subjekata

Registracija privrednih subjekata je regulisana sljedećim zakonima:

### FBiH

- *Zakon o privrednim društvima* (»Službene novine F BiH« br. 23/99, 45/00, 2/02, 6/02, 29/03)
- *Zakon o obrtu* (»Službene novine F BiH« br. 52/02, 29/03, 11/05)

**Registracija privrednog subjekta** je postupak kod nadležnog organa kojim dobijate odobrenje za obavljanje određene/ih djelatnosti na određenom teritoriju na način i pod uslovima propisan zakonom.

Privrednu djelatnost mogu obavljati pravna i fizička lica:

#### 1) Pravna lica:

- Preduzeća / Privredna društva
- Zadruga

#### 2) Fizička lica:

- Preduzetnici / Obrtnici
- Poljoprivredna proizvodnja

## PRAVNA LICA

U **Federaciji BiH** se mogu organizovati privredna društva i javna preduzeća.

#### a) **Privredna društva:**

- Društvo sa neograničenom solidarnom odgovornošću (d.n.o.)
- Komanditno društvo (k.d.)
- Dioničko društvo (d.d.)
- Društvo sa ograničenom odgovornošću (d.o.o.)

#### b) **Javno preduzeće**

***Društvo sa neograničenom solidarnom odgovornošću (d.n.o.)*** - se osniva ugovorom dvije ili više osoba, koje odgovaraju za obaveze preduzeća cjelokupnom svojom privatnom imovinom. Društvo s neograničenom solidarnom odgovornošću osniva se ugovorom o osnivanju. Ugovor o osnivanju društva s neograničenom solidarnom odgovornošću obavezno sadrži ime, prezime i adresu prebivališta ili firmu i sjedište članova društva, firmu, sjedište i djelatnost društva i prava i obaveze članova. U podjeli dobiti, snošenju rizika i pokrivanju gubitaka, osnivači učestvuju solidarno i preduzećem upravljaju svi članovi ravnopravno i odgovorno.

**Komanditno društvo (k.d.)** - osnivaju najmanje jedan komanditor (tajni član) i jedan komplementar (javni član). Osniva se ugovorom. Za obaveze društva odgovaraju komplementari cjelokupnom svojom imovinom. Ulog komanditora je isključivo u novcu, dok komplementara može biti u novcu, stvarima i pravima. Osnovni ulog pri registraciji je 50 000 KM. Komanditno društvo se može organizovati i na dionice (k.d.d.).

**Dioničko društvo (d.d.)** – se osniva izdavanjem dionica, a vlasnici dionica su dioničari (suvlasnici) dioničkog društva. Dioničko društvo se osniva ugovorom, a upis i uplata dionica se vrši kod izabrane banke. Osnovati se može simultano- otkupom emitovanih dionica i sukcesivno-raspisivanjem javnog poziva za kupovinu dionica. Zakonski minimalna glavica je 50 000 Km, i osnivački kapital se iskazuje u novcu, a stvarni ulozi mogu biti u novcu, stvarima i pravima.

**Društvo ograničene odgovornosti (d.o.o.)** - može osnovati jedna ili više osoba. Osnivački ulog je pčetni kapital preduzeća i minimalno može da iznosi 2000 KM. Preduzeće odgovara za svoje obaveze cjelokupnom svojom imovinom, ali osnivači ne odgovaraju za obaveze preduzeća ličnom imovinom koja nije unesena u preduzeće.

**Zadruga** - Za osnivanje i registraciju zadruge potrebne su najmanje pet fizičkih ili pravnih lica. Nije propisana visina osnivačkog kapitala, može da bude opšta ili specijalizovana. Potrebno je usvojiti osnivački akt i zadružna pravila. Regstruje se kao i preduzeće.

## FIZIČKA LICA

**U Federaciji BiH** : Obrt je samostalno i trajno obavljanje dopuštenih i registriranih gospodarskih i drugih djelatnosti u osnovnom i dopunskom zanimanju od strane obrtnika sa svrhom postizanja dobiti koja se ostvaruje proizvodnjom, prometom ili pružanjem usluga na tržištu.

Dopuštena je svaka gospodarska i druga djelatnost koja nije zakonom zabranjena.

Obrtnik u smislu ovoga zakona je fizička osoba koja obavlja djelatnost u svoje ime i za svoj račun, a pritom se može koristiti i radom drugih osoba s kojima je u obvezi sklopiti ugovor o radu. Obrtom se smatraju i poslovi kućne radinosti, a može se registrovati i poljoprivredna djelatnost.

Obrti su: slobodni, vezani i posebni.

Slobodni obrti su obrti za čije se obavljanje ne traži stručna osposobljenost, stručna sprema ili majstorski ispit.

Vezani obrti su obrti za čije se obavljanje traži stručna osposobljenost, stručna sprema ili majstorski ispit.

Posebni obrti su obrti koje obrtnik može obavljati samo ako ispunjava uvjete za vezane obrte i ima saglasnost za obavljanje posebnih obrta.

Popis vezanih i posebnih obrta propisuje Vlada Federacije BiH na federalnog ministra trgovine, po prethodno pribavljenom mišljenju nadležnog federalnog ministarstva.

Dvije ili više fizičkih osoba mogu zajednički obavljati obrt, što regulišu pismenim ugovorom.